

Na osnovu člana 2.12. stav 5. Izbornog zakona Bosne i Hercegovine („Službeni glasnik BiH“, broj: 23/1, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 57/17 i 60/17 – Ispravka) i člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst i 14/15), Općinsko vijeće Vogošća na sjednici održanoj 31.01.2018. godine, donijelo je

O D L U K U

O OBJAVLJIVANJU JAVNOG ODLASA ZA IMENOVANJE JEDNOG ČLANA OPĆINSKE IZBORNE KOMISIJE VOGOŠĆA

Član 1.

Ovom Odlukom utvrđuje se raspisivanje javnog oglasa za imenovanje 1 (jednog) člana Općinske izborne komisije Vogošća.

Član 2.

Javni oglas iz člana 1. ove Odluke objavit će se najmanje u jednom od dnevnih listova koji izlaze na području Bosne i Hercegovine i na web stranici Općine Vogošća.

Javni oglas iz člana 1. ove Odluke ostaje otvoren 8 (osam) dana od dana objavljivanja u dnevnom listu.

Član 3.

Kandidati za člana Općinske izborne komisije trebaju ispunjavati opće uslove propisane članom 2.2. stav 1. i 2. Izbornog zakona Bosne i Hercegovine i posebne uslove propisane članom 2. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Član 4.

Mandat članova Općinske izborne komisije traje 7 (sedam) godina računajući od dana davanja saglasnosti Centralne izborne komisije Bosne i Hercegovine na odluku o imenovanju članova Općinske izborne komisije donesenu od strane Općinskog vijeća Vogošća.

Član 5.

Postupak po raspisanom javnom oglasu provest će Komisija za izbor i imenovanja Općinskog vijeća Vogošća (u daljem tekstu konkursna komisija), koja u svom sastavu ima osobe sa izbornim iskustvom.

Zadatak konkursne komisije iz predhodnog stava je:

- da pregleda pristigle prijave na javni oglas i utvrdi njihovu blagovremenost, urednost i formalnu ispravnost;
- da sa kandidatima koji ispunjavaju uslove javnog oglasa, obavi intervju i sačini rang listu sa redoslijedom kandidata prema uspjehu postignutim na intervjuu;
- da Općinskom vijeću Vogošća dostavi rang listu i pisani izvještaj koji sadrži sve relevantne podatke za svako lice koje je podnijelo prijavu na javni oglas.

Član 6.

Općinsko vijeće Vogošća cijeneći položaj kandidata na rang listi koju dostavi konkursna komisija donijet će Odluku o imenovanju jednog člana Općinske izborne komisije.

Član 7.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:01-02-88/18
Vogošća, 31.01.2018. godine

